

5. Kitapzanna leh Sila Lungsim Neihna

A. Kitapzanna

- a) Laisiangtho bulphuhte 1Cor. 1:27-29; James 4:10;
Gal. 2:20; 2Cor. 12:9-10

b) Pasion in 'Nate khempeuh' zang thei lo hi

I sunglam ah Pasion in hong lunggulh bang hiam khat tan ciang a sem dingin Pasion vangliatna i theih nading in bangzah kikhel na kisam cih tamveipi thei hihang. Tua i lungsim sung a kilam to i neih pen "Bangkhat peuh" ding a i lunggulh nading Satan in a tawntung in hong zol tawntung hi. I Christian nuntakna mahmah ah zong tua zolna ngetna pen thahat lua ahihman in Pasion ading na i sepna nangawn tamveipi sukha hi. Pasion ading na khat suak nuam hihang. Ahizong in tua sunglam lunggulhna pen ci-le-sa tawh kigawm khawm lua ahihman in tua sunglam lunggulhna pen dawimangpa in zang thei zel hi. Kha tawh kidim Christiante nangawn ci-le-sa leh Khasiangtho kigawm lua leh cilehsa deihna lam i lek kha ahihman in Khasiangtho nasepna khempeuh phiatsiang leh thelthangsak hi.

Hih pen i nunthakna ah tuahsiatna hi. Paisan ading piak theih tampi nei napi hang in, tua bang nasepna ding tawm bek pia hihang. I Christian nuntakna tampite pen biakna leh khathu kizepna nuntakna lui ah i nungta hi. Pasion hihna maan leh a vangliatna tawh kinai mahmah napi, i tuah khak thute a uk angung hamphatna leh kiphatsaknate in ninsak hi.

Hih pen eite sungah Pasion hong lunggulh hilo hi. A buai huai thu pen Pasion in nate khat peuh zangh thei lo hi. Hih pen Pasion in Laisiangtho sungaha a pulak a vangliatna leh a minthanna a kilang khiasak ding a a teel na ah tua mite nuntakna a bangmah lo te ahi uh hi.

Thumaan bel a thupi pen lampi ah ei le ei i sih ding ahi hi (1Cor. 1:28). Eite kisap pen kha sihna hilo in, Pasion vangliatna mu nuam in i theih nop leh i sunglam tawngpan in kiphawkna tawh i nuntakna sung a manpha hi ci a ciapteh khitsa thute ah i pai toh lai ding kisam hi. Eite sungah bangmah om nawn lo hi ci a, kitapzanna leh sihna dinmun ciang dong cih i tun ding i vek in kisam hihang. Tua ciang bek in eite sung leh eite tungtawn a sep ding Pasion in hong deihna thu thak kha ading kihong in kipan thei pan ding hihang. Tua dinmun ciangah Pasion lampi ngah theih nading in i nuntakna lai nate tampi tak om lai hi.

Pasion in hong bawl phatsak nop pen, eite thanemnate bek hilo in, i thahat na i ngaihsut khak zel i mimal hihnate leh i tuahkhak thute zong ahi hi. Tuat pen i thahatna leh ei le ei kimuanna bang a, i ngaihsut Pasion tungah kingak ding kisam i sak lohna munte hi thei zel hi.

Pasion lampite pen thuk in, telhak a, i cilehsa pan a hong pai i nuntakna a nate khempeuh leh ngimnate suksiatna leh sihmate pan hong ki pan hi. Thuciamthak in i ci-le-sa pen i gal lian pen leh pasian ading buaina lianpen banga a gen pen upkhialh nading om lo hi. Hih pen do tawntung ding a taktak in tua pen gamtang lai in, i nuntakna sungah Pasion vangliatna i theihnop leh i ci-le-sa pumpi kikhelna taktak khat a om ding kisam hi.

c) **Khasiangtho a Genbaihna**

Nate laigil ah, lungsim muanna leh lungsim khat bek hih na ah Pasion piak gennopna, gen baihna kisam hi. Pasion pen ama hihna sang in a tel hak zaw pi khat i suak sak hi. Ama ading in a vom leh vom a kaang aih leh a kang hi lel hi. A maan aih leh a maan, a khial aih leh a khial hi. Bang hang hiam cihleh a ma nasepna ah, thumanna leh cihtaknate ama ngeina hi a, cikmah hun in amah leh amah kihuih hek ngeilo hi. Eite i hih leh bel kileh bulh linlian hihang. Lungsim siang sinsen a nuntak ding sang sik in, i sung lam sianthona leh nopnate a susia leh i lungsim a uk, midangte ading siatna leh ci-le-sa lampite a piangsak ding a kikhel dingin nate leh dinmun om ziate i phal hi. Dawimangpa in tampi vei tak i ngimna leh i lunggulhna hoih pente hong laksak thei in a ma ading in zang suak thei hi. Khazih sunga lungsim siang tak a, veina leh itna tawh a kipankhia khat pen i nuntakna leh i nasepnate hong siasak i lungsim thuakna leh natnate nawngkaisak gawp in bei thei hi. Hihte khempeuh pen i nuntakna ah Pasion deih bang a i pai suaksak loh man ahi hi.

Pasion in eite sung leh eite tungtawn a na khat a sep theih nading a, ama mai ah bangmah lo i hih ding hong deihna a thuk lampi tawh i zak ding pen, a lauhuai kileh bulh khat hi thei hi. Taktak in hih in i kha hong sukha in a kiteh thei lo zah in siatna ah hong tunpiah thei hi. Hih pen dawimangpa in i lungtang sung a hong bawl pen hi lian hi. Ahizong in tua pen Pa deih hilo hi. Pa in gah i gah phat ding hong deih a, ahizong in tua bang i suah theih nading in ei le ei in bangmah i hih lohna i phawk thei ding kisam hi. Hih in eite tuah khak taktak ahieh ding kisam hi. I lungtang sungah thuak kha in i lungsim tawh i telcian ding kisam hi. A taktak in Zeisu in tua tawh nungta in Pasion vangliatna a lah khatna tua bang lian hi cih i muh theih ding kisam hi. Zeisu bangmah lo hong suak hi (Phil. 2:5-11)

d) **A kiteh thei lo Kha**

Zeisu ading in amah leh amah bangmah lo hihna pen a nuntakzia hi. Sianglamteh a muh ma pek in kitapzanna pen a nuntakzia hi khin hi. Amah pen mihing khat hi napi bangmah lo hong suak hi. Hih Zeisu, mi khempeuh sang a mikhat ahi pa in, a ma om zia leh mimal nuntakna ah Pasion vangliatna lampite thei hi. A nuntak sung leitung nasepna ah khatvei sangin a tamzaw sihna pan nuntakna piangsak hi. Mite a lawn ciangin dam uh hi. Thu a gen ciangin dawite ling in taikhia mang uh hi. Zeisu tuah khakna ah Pasion vangliatna thusim mu thei hihang (John 3:34). Eite in a kiteh thei bek in Pasion kha ngah hihang; Pa in bel a Khasiangtho hong pia nuam mahmah a, ahizong in eite sungah Khasiangtho hong om ding zah pen i lungtang i khensat theihzah ciang bek ahi hi. Eite pen nin bulomtangh leh angsung thubek tawh kidim i hih manin, Khasiangtho tampi ading in mun-awng nawn lo hi. Lungsimnatna, kiphatsakna, angsung theihna leh lehdonate in i lungtangte uk in, i sungah Khasiangtho sunsuk nading mun Paasian ading in om hi. Eite nuntakna ah tua munte pen lungsim phutna, thutheihna leh khalam kihel zaunate in dimsak gawp zel hi.

e) **Zatui sutna**

Kitapzan ding kisam hihang. Tua ciang bek in Pasion in i nuntakna ah damna hong thun thei ding hi. Mary in Zeisu khe ah paknamtui a nuh teh tua zatui hong paikhia theih nading in a thawl a kitap masak kul hi (Jn. 12:1-8). Tua bang lian in eite kiang pan Khasiangtho zatui a luankhia theih nading in i kitapzan masak kul hi. Bangmah lo i suah mateng in Pasion in banghiam khat hong suah ngei lo ding hi.

f) Satan khutlet hilo ding

Satan in Zeisu a zawhzawh ngei lohna a hang pen ama sungah bangmah lo om hi. Tua pen, Satan ading khurlet bangmah om thei lo hi. Eite in "Nate khatpeuh" sungah i nuntak ding Satan in hong deih a tua tawh eite nuntakna hong buan in, hih nate khutlet in nei nuam hi.

g) Pasion ciaptehma

Gen. 32:22-32 sim in. Hih kibuanna ah Jacob in a neih khempeuh, leitung vai in ci leng a min leh a thahatnate a piakkul a, ahizong in Pasion muhna ah tua pen ama bawl na ahi hi. Pasion tawh maitang ngat in kimu uh a, ahizong in tua thu a gen dingin amah nungta lai hi. Ahizong in amah kibang nawn lo in, a pumpi tungah Pasion ciaptehma pua hi. Jacob thak (aih keh Israel). tungah poina khat om a, ahizong in tua poina pen ama thahat na hi. Eite zong Pasion tawh i kimuh ding, Pasion vangliatna in hong sukkhak ding leh, Pasion siangthona in hong tuam ding kisam hihang.

Pasion in eite nuntakna sung hong mukhin in ama itna in eite hong kitapzanna bangdan hilo hi. Hih pen i kha sung a thahatna naaktaktakhi. Tua banga Pasion tawh kimuhna khit tehate pen a ngei bang thei nawn lo hi. Hih pen a taktak in leitungbup a vangliatna nakpi ahi hi. Pasion lawnhak mikhat sangin a thahatzaw kuamah om lo hi. Tua pa in a lahkhiat ding bangmah nei nawn lo in kihtak ding zong bangmah nei nawn lo hi. Kidona lui man khin a, meikuang masa mit khin in, kitotna lui pan tawlna khin ta hi. Pasion bek in a dip theih ding in sunglam hawmna khat om hi. Hih pen bangmah hihlohna leh khiatna neihlohna hawmna hilo in, Pasion hawmna hi. A pualam ah bel Pasion bek in a thahatsak theih ding thanemna om a, i nuntakna ama tungah i kipum ap leh hong thahatsak takpi hi. "Zeisu tawh ka kikhailum zo a, kei ka nungta nawn kei hi. Ahihang in ka sungah Khazih a nungta hi. Ka pumpi sung a ka nuntakna pen, kei hong it in, kei ading amahmah a kipia pa Pasion Tapa upna in a nungta ka hi hi." (Gal. 2:20). Nungzui khat ciat in Pasion ading in muibun a hih nop leh hi banga a nuntak ding ahi hi.

B. Sila Lungtang Neihna

- a) **Laisiangtho bulphuhte** Mk. 9:33-35; Mk. 10:35-45;
 Jn. 13:1-17; Phil. 2:5-11; Jn. 12:24-26

b) Sila i cih banghiam?

Sila i cih pen amah leh amah kinei lo in midang khat in a neih mipa hi. A hun a tamzaw a luah a lungtang sungah thupi a sakpen leh a sum a paai tam a zat penpen ading nasem mipa ahi hi. Na nasepna mi peuhpeuh ahih keileh na khat peuhpeuh ading in sal aih keh sila hipah hi teh. Pasion sila khat in a mah leh amah kiniamsak in, a nuntakna ah na khempeuh ading Zeisu pen Topa suaksak hi. Hih pen na khempeuh ah Zeisu thupi pensak cihna hi. Tua hi a, Zeisu nungzui i hih mah bangin eite zong Pasion na bek i sep ding in hong kilamen hi (1Cor. 4:1). Hih pen i nuntakna ah Pasion gam a masa pen a koih ding cihna hi a, (Matt. 6:33). hauh na, vangliatna, neih leh lam leh a dang na khat peuhthe na sep loh ding cihna hi (Matt. 6:29).

c) **Pasian Sila khat ciaptehnate**

- Pasian Gam zong masa hi (Matt. 6:33).
- Mikhempeuhte sila hi (Matt. 20:26-28).
- Amah thaman a pia dinga Topa en hi (Mtt. 26:21).
- Midangte na sepsakna tawh Topa Zeisu na sepsak hi (Matt. 25:31-40).
- Amah leh amah kinial nuam in, a singlamteh pua in a Topa Zeisu nungzui nuam hi (Luk. 9:23).
- Zeisu khekhap zui in, amah ama angsung thei lo in na sem hi (Luk. 22:27).
- Ngahna sangin piakkhiatna ah thupha a om zawkna thei hi (Acts 20:35).
- Na khatpeuh a ki-ap teh citak hi (1Cor. 4:2).
- Midangte vangikte pua hi (Gal. 6:2).
- Amah kiniamkhiat, migi, lungduai in, midangte tawh itna sungah thuakkhawm hi (Eph. 4:2).
- Ama hamphatna ding zah khat in midangte hamphatna din gen hi (Phil. 2:4).
- A hihna khempeuh ah a Topa lungdamsak nuam hi (2Tim. 2:4).

d) **Pasian silate kiniamkhiat ding kisam hi.**

Pasian in kiphatsakna leh kisaktheihna mudah a, (Pro. 8:13). a kiphasakte langpan lai mawk hi (1Pet. 5:5). Amah tawh kiniam khiat tak a i tonkhop ding hong lunggulh hi (Micah 6:8). "A hun a tun ciangin a mah in note hong tawisan theihna dingin a thahat Pasian khutnuai ah no leh no na kiniamkhiat un (1Pet. 5:6). Ei le ei i ki niamkhiat ding kisam hi. Haksa i sak leh kiniamkhiat theih nading hehpihna hong piakna dingin Pasian kiangah ngen ding hihang. Hih pen leivui lak ah bual na hilo hi. Hih pen ei le ei bangmah hilo i hihna kiphawk thei a, i lungtang sungah Pasian in hong uk ding i utna phawk theihna hi. Amah neite hong thahat sak in a hun a tun teh hong lamsang ding hi. Pasian i muan ding kisam hi. Hih pen sila hihna maan leh sila ngeina neihna ahi hi (Phil. 2:5-11)

Zeisu in, "Keima hakkol kisuan unla kei kiangah kisin ta un. Keimah lung sim nem leh lungsim kiniamkhiat mi ka hih man in na khate un tawldamna a ngah ding hi. Ahang in, ka hakkol nuam a, ka van zong a zang hi." ci hi (Matt. 11:24-30). Zeisu zia zuihna tawh ama tungpan kiniamkhiatna sin thei hi hang.

e) **Dotnate leh kikupkhopnate**

1. "Nakhat peuh " aih keh "bangmah lo" na hiam?
2. Na nuntakna khempeuh tawh Pasian na muang thei hiam aih keileh a khut na let ding kisam hi ci in na ngaihsun hiam?
3. Lungsim khat bek tawh Pasian i zuih leh tua pen hilhtheih lo a suak hihang cih na hiam?
4. Ei le ei in si in, Pasian ading i nuntak leh i kisia cipgawp, cimtakhuai gawp, lawhcing lo in i nuntakna in man nei lo in a om diam? (John 10:10)
5. Pasian in a lunggulh zah in Khasiangtho tawh hong dip nading bangin khaktan hiam?
6. Zeisu sila taktak in ahih ding bangin na khempeuh ah amasa pen in Zeisu na koih hiam?
7. Khazih thawhkikhai lum khawm khin na hih manin nang a nungta hi nawn lo in na sungah Khazih nungta cih na gen thei takpi diam?
8. Na nuntakna ah bang masapen hiam? Kua na' leh bang na sem na hiam?

9. Bangci bangun Luk. 14:11 maan thei ding hiam?
10. Joshua 24:14-15 sim in, Tu ni in kua na sem ding na hiam?

f) Tomlakna leh zatpahna

1. Pasion in 'Bangmah lote' bek zang thei hi. Zeisu bangun Pasion mai ah a kitamzante hi.
2. Kikhelna takpi tawh ei le ei i sih ding kism hi.
3. Khazih Zeisu i Topa leh Honpa dinga i sap ciangin Khasiangtho hangin i kha hong nungta a Khasiangtho sungah i kiphum teh a masa pen Khasiangtho in hong dim hi. Muibun tak in Pasion na i sep theih nading in Khasiangtho tawh kidim paisuakna kism hihang. Ei le ei i sih ciangin ei neu semsem in Pasion gol semsem a, i sung a i kha in a zaizaw a dipna a ngahna ding in mun zaizaw hong nei hi. Zeisu 'bangmahlo' a hih natawh teh theih loh kha nei a, (John 3:34). a kha in teh theih loh in Khasiangtho ngah hi. Eite zong i sunga kha in a paikhiat nading mun nei in, mite nuntakna ah a muibut nading in Pasion mai ah i kitapzan ding kism a, tua pen Zeisu nuntakna a bang dan ahi hi. Tua ciangin Zeisu nungzuite bang a i nuntakna ah Pasion ading muibun takpi leh gah pha takpi ding hihang.
4. Zeisu nungzui khat in Pasion a ding septheih tampi nei a, ahizong in i nuntakna ah ama deihna bang a hong sep theih nading Pasion mun i piak ciang bek in kiphawk thei ding hi.
5. Pasion muhna ah i thahatnate pen i thanemnate hi thei hi.
6. I nuntakna ah Pasion in ama lampi hong neih tawntung ding iphal ding kism hi.
7. Pasion sila taktak khat pen na khempuuh ah Pasion a masak leh ama na bek a sem pa hi.
8. Pasion sila in a Topa Zeisu ading leh midangte ading kispnate ah na a sem ding in amah leh amah kipia hi.